


diem possit expelli, eaque ratione nullus nimium suo robori, urinae, pulsuique confidat. Dum sudor frigidus emergit, faciei & oculorum color quasi versus nigrum vergit, dumque animi deliquium frequenter irruit, vomitibusque frequentioribus turbatur, variorumque colorum protruduntur excrementa, mortem quasi serio significat. Qui cum stupore, spasmo & amentia balbutiunt, magna ex parte moriuntur quoque.



Methodus pro curatione

PESTIS INSE-
VIENS.

Perficitur autem subsequentibus remediorum generibus.

VICTVS RATIONE.

A Er rectificetur cum rebus odoratis aliquoties in die.

Cibus. Tenui victus ratione utatur in mali principio atque refrigerante. Iuscula conueniunt gallinarum, pulorum, duabus horis a sudore elapsis. Gelatina quoque iuscula, seu congelata vocata, conueniunt ex capone, carne vitulina, vuis passis, saccharo rosato. Potus sit aqua in qua succus limonum vinumque granatorum dissoluatur. A vino arcendi sunt aegrotantes. Iusculis incoquantur borago, buglossa, carduus bened. flores violarum, rosarum, semina acetosae.

Somnus moderatus sit; non enim absque periculo diuturnius admittitur somnus; tam enim veneni quam spirituum sic fit ad cor reuocatio.

Excrementa alui respondeant. A venere abstineat.

Animi perturbationes vitet.

VACVANTIBVS.

Syr. rosarum solutius praestantissimus est. Syr. de ci.